



Imejenci Pek

Pekim wanpela bokis o (imejenci kit) long halipim yu long taim nogut.

IMEJENCI KIT CHEKLIS

- Bat-tri blong onim redio na kisim sampela spare batteri
- Sutlam na sampela lus bat-te-ri blong usim
- Ol kandel, laita na bokis masis we wara i no ken wetim.
- Wara stap insait long kontainer (10L long wanpela man o meri)
- Bungim kaikai blong lukautim yu. Ol kaikai i nap stap longpela taim olsem tripela or popela de.
- I gat gas stove wantaim fuel.
- Ken opener na ol sauspen na pelet blong kaikai.
- Poket knaip
- First aid kit na ol marasin.
- Pepa blong lik lik haus na ol sop, toothpaste, tooth brush na blong sepim mausgrass.
- Ol klos blong senis na strongpela su.
- Ol samting blong ol beibi, ol lapun na ol lain gat disability.
- Kaikai, wara na samting blong lukautim ol animal.
- Kisim sampela moni nogut ATM i no wok.
- Ol impoten pepa wok (insurance setifikat na ol samting i gat moni long en taim yu salim bihain).
- Ol imenjenci telfon namba



HARIM

Putim iau long harim nius o toksave blong taim nogut.

HARIM NA PUTIM ON REDIO LONG LONKAL STESIN LONG HARIM OL TOKSAVE NA SENIS WOK LONG KAM TAIM SAIKLONE O STRONGPELA WIN I KAM.

Ol redio em: 801 AM, 106.7 & 95.5 FM

ABC CAIRNS (MOSSMAN na PORT DOUGLAS) 639 AM, 90.1 FM

ZINC CAIRNS 102.7 FM

4CA AM 846 AM

HOT FM 103.5 FM

SEA FM 99.5 FM

4AM PORT DOUGLAS 1422 AM

PORT DOUGLAS FM 90.9 FM

www.cairns.qld.gov.au/disaster

COUNCIL'S EMERGENCY CONTACTS

Kaunsol kontek bipo long saiklon em: 4044 3044

Kaunsol kontek long taim blong saiklon em: 4044 3377

Sapos yu laikim wokman o wokmeri long halipim yu na givim yu inpomasen long tok pisin taim ol bikpela birua i kamap olsem Saiklon (Cyclone) o stronpela win na bikpela ren, plis ringim ol Transleisen na Intepreting Sevis o (TIS Nasenal long telephone 131 450) na askim ol long ringim Cairns Riginel Kaunsel long telefon 4044 3044.

Lukim Facebuk (facebook)  na Tu-wee-ta (twitter)  blong Disasta Ko-odineisen Senta.

Namba blong ol imejenci sevis em tripela zirou (000).

Yu ken ringim ol na ol bai kisim wanpela wok man o meri i save long tok pisin bai i ken halpim yu.

Ol narapela imenjenci kontek blong

| | |
|-----------------------------|----------------|
| Polis/Amblense na Paia | 000 |
| State Imenjenci Sevis (SES) | 132 500 |
| Ergon Energi | 132 296 |
| Dipatmen blong Main Road | 131 940 |

Taimblong redi long Saiklon

Inpomasen blong ol lokel lain na ol lain i kam raun o lim-lim-bur na malolo.



PLEN

Yu mas gat plan long haus long taim bipo long birua o imejenci i kamap.



IMEJENCI PEK

Pekim wanpela bokis o (imejenci kit) long halipim yu long taim nogut.



HARIM

Putim iau long harim ol nius o toksave long taim nogut.

Ol desepia inpomasen ken halipim yu na sindaun blong yu i stap orait long taim nogut o long taim blong strongpela win na bikpela ren. Dipela pepa em ol i risaikelim o pepa we ol i usim ken long halipim enwironmen.



PLEN



IMEJENCI PEK



HARIM



WONEM EM CYCLONE?

Saiklon em stronpela win na bikpela ren na i ken bakarapim ol haus. Ai blong saiklon o namel blong dispela bikpela win i gat lik lik win tasol na sampela taimdispela namel blong em i nogat kilaut long antap tasol no ken ting olsem saiklon i pinis. Dispela saiklon o strongpela win na ren bai i raunim na kam long narapela sait.

Yu mas stap insait na noken kam arasait!

OL KATEGORI BLONG SAIKLON O STRONGPELA WIN NA BIKPELA REN

| KATEGORI | STORONG BLONG WIN | WONEM BAI I KAMAP |
|----------|---|---|
| 1 | I no bikpela long 125 kilomita pe awa. | Lik lik bakarapim long haus, i ken bakarapim ol lik lik gaden kai kai, diwai na karavan, i ken pulim ol boat i anga long wharf. |
| 2 | Strong blong win stap namel long 125 i go long 170 kilomita pe awa. | Haus i ken gat bikpela birua o bakarap, i ken bakarapim ol sign pos, bakarapim lo diwai, karavan, bikpela bakarap long ol garden kai kai na pawa lain i ken stop long wok, ol lik lik boat i ken bruk long rop i pasim ol long wharf. |
| 3 | Strong blong win i stap namel long 170 i go long 225 kilomita pe awa. | Sampela roof blong haus na ol pos blong haus i bakarap, sampela karavan na ol gaden kaikai na pawa i bakarap. |
| 4 | Strong blong win i stap namel long 225 i go long 280 kilomita pe awa. | Bikpela birua bai i kamap, ol kapa na pos blong haus i bakarap, planti karavan i bakarap na win i tromoim ol nabaut, ol samting i palai nabaut na bikpela pawa failure. |
| 5 | Strong blong win i bikpela long 280 kilomita pe awa. | Dispela i strongpela win stret na ol ples i bakarap nogut tru. |



SAIKLON LUKAUT

Opis blong Bureau blong Meteorology i save givim forti-aet (48) awa notis bipo saiklon i kam sua na givim aut warning bipo bikpela win na ren i kam. Ol bai givim update ken after long sixpela awa.

Warning blong Saiklon o bikpela win na ren

Saiklon woning or toksave blong bikpela win na ren i wok long go strong na kam klostu long ol kostal na ailan komuniti insait long twenty-four awa. Dispela bai tokim yu we saiklon o strongpela win na ren i stap na hau far o klostu i wok long kam long ples. Warning i ken toksave long strong blong win na ren na wonem ol hap bai kisim birua o bakarap. Toksave blong bikpela ren, flooding na strongpel ren na wara i stap long wonem hap.

Ol lokal lain na visita mas harim ol inpomasean na bihainim ol toksave long lukautim ol na ol samting blong ol.



PLEN

Yu mas holim wanpela plen stap redi blong taim nogut

BIPO LONG SAIKLON O STRONGPELA WIN NA BIKPELA REN YU MAS:

- Harim redio blong yu na yu mas gat sampela spare bateri.
- Pasim ol samting na putim ol samting save stap arasait o ol sia na tepol i go wantaim na pasim ol.
- Karamapim on windua/dua wantaim ol timba o putim stiki tap long ol glass wantaim masking tape na pasim ol dua.
- Kar blong yu i mas gat planti fuel na yu mas putimaninit long haus.
- Pasim boat gut o pakim karavan gut insait long garage na sapos no gat garage pasim long strongpela rop blong holim na bai em i noken muv.
- Noken stap insait long karavan o lik lik haus yu sanapim long pos olsem ol save usim long hap blong kemp.
- Sapos yu kam raun tasol o limlimbur, tok tok wantaim ol lain i lukautim yu long ol wonem samting yu ken wokim o we yu ken go long taim nogut.
- Pulumapim ol kontaina blong wara na bathtub o bikpela tab blong holim wara na pulumapim rabis bin long wara blong usim long lik lik haus long pis pis na pek pek taim wara saplai i no wok.
- Yu mas gat ais wara nogut pawa i no wok.
- Putim ol impoten wok pepa na ol samting u lusim bikpela moni long en o i gat (value) insait long plastik bag o bag we i ken holim na wara no ken go insait. Putim long wanpela hap antap we i ken stap drai.
- Tanim off na pulim ol elektrikal ikwipmen long pawa point o soket.

TAIM BLONG SAIKLON O STRONGPELA WIN NA BIKPELA REN

- Yu mas onim bateri redio blong yu na harim ol warning na toksave
- Stap insait na lukautim yu na famili i stap isi
- Stap insait long strongpela hap blong haus em olsem, hap blong was was, liklik haus (toilet) o insait long haus na namel long ol room blong wokabaut

BIHAIN THE SAIKLON O STRONGPELA WIN NA BIKPELA REN

- Stap insait inap ol opisa i toksave long redio olsem saiklon o strongpela win na ren i go pinis
- Stap long we long ol pawa lain! Sapos yu lukim ol pawa lain i pundaun yu mas tingim olsem pawa lain i gat pawa i ron yet so noken go klostu long en
- Stap long we long ol hap we i gat bikpela ren wara (flood).

WONEM EM STORM SAGE?

Dispela em bikpela wara i kam long solwara na link wantaim saiklon o dispela strongpela win na bikpela ren. Storm sage i kamap taim bikpela win i pushim antap blong solwara na aninit em pressure blong win i nomal long bikpela win na ren. Taim saiklon o strongpela win na bikpela ren i kamap long nambis bai bikpela win i paitim solwara na pushim wara i go antap long ol hap i klostu o giraun i stap klostu long nambis. Dispela bai i causim flood o bikpela wara kam antap, bakarapim ol haus na katim off rot blong ronowei.

Ol map blong soim we ol storm sage i stap long Cairns Regionel Kaunsel websait na yu ken lukim long:

www.cairns.qld.gov.au/disaster



IVAKUASEN PROSIJA O REDI PLAN BLONG TAIM BLONG SAIKLON O STRONGPELA WIN NA BIKPELA REN

- Sapos ol lain no toksave long yu long muv o lusim haus long taim blong bikpela ren na win, stap insait long haus and lukautim yu na famili blong yu stap isi
- Sapos yu bungim bikpela wara ol solwara kam antap yu mas painimo luk save long sampela hap i stap antap na kamfotabol long stap wantaim ol famili o ol pren, nogut taim blong ol toksave i aut long muv o ivakuate yu save pinis long go long dispela hap
- Sapos yu mas muv aut long hap blong yu o ivakuate, ol imejenci wokman na meri bai knock long dua blong yu na tokim yu long go long hap we i safe.
- Kaunsel i gat ol hap blong go stap o Ivakuasen Senta blong ol komuniti. Ol animal, alkohol o ol samting blong pait o givim birua long narapela yu no nap kisim wantaim yu go long dispela hap
- Tanim off ol samting o masin i usim pawa na gas bipo yu lusim haus
- Kisim Imejenci kit blong yu taim yu go. Kisim ol samting blong silip long en na sampela tawol blong was was

Long painim aut moa inpomasean long redi long taim blong saiklon o bikpela win na ren, go long websait blong Kaunsel.

www.cairns.qld.gov.au/disaster

